

# Сизлардан бирингиз таомга даъват қилинса...

## | Сийрат дарслари (291-дарс)



19:00 / 19.07.2024 2498

461. Умар ибн Хаттоб розияллоху анхудан ривоят қилинади:

«Набий соллаллоху алайҳи васаллам: **«Тун мана бу ёқдан** (кунчиқар томондан) **кирса, кун мана бу ёққа** (кунботар томонга) **кетса ва қуёш ботса, демак рўзадорнинг ифтор вақти бўлибди**», дедилар».

*Бухорий ва Муслим ривоят қилишган.*

462. Саҳл ибн Саъд розияллоху анхудан ривоят қилинади:

«Расулulloх соллаллоху алайҳи васаллам: **«Модомики ифторни тез қилишар экан, кишилар яхшиликда бўлурлар**», дедилар».

*Бухорий ва Муслим ривоят қилишган.*

463. Абдуллоҳ ибн Умар розияллоҳу анҳумодан ривоят қилинади:

«Набий соллаллоҳу алайҳи васаллам (саҳарлик қилмай) улаб тутишдан қайтардилар. Шунда одамлар: «Сиз улаб тутасиз-ку?» дейишди. **«Мен сизларга ўхшаган эмасман. Мен таомлантириламан ва сероблантириламан»**, дедилар».

*Муслим ривоят қилган.*

464. Оиша ва Умму Салама розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам Рамазонда эҳтиломдан эмас, жинсий яқинликдан жунуб бўлган ҳолларида тонг оттирар эдилар. Сўнгра рўза тутар эдилар».

*Бухорий ва Муслим ривоят қилишган.*

465. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Сизлардан бирингиз таомга даъват қилинсаю, у рўзадор бўлса, мен рўзадорман, деб айтсин»**, дедилар.

*Муслим ривоят қилган.*

Бошқа ривоятда: **«Бирингиз даъват қилинса, ижобат қилсин. Шунда агар оғзи очик бўлса, таомлансин. Агар рўзадор бўлса, намоз ўқисин»**, дейилган.

*Муслим ривоят қилган.*

466. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам айтдилар: **«Эри ҳузурида турган аёл унинг изнисиз рўза тутмайди»**.

*Бухорий ва Муслим ривоят қилишган.*

***Расулуллоҳ соллаллоҳу алайҳи васаллам» китобидан***

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хулосаси асосида чоп этилган.

